



Broj: 01-50-1-15-34/04.
Sarajevo, 25. juna 2004.

Z A P I S N I K

40. sjednice Predstavničkog doma Parlamentarne skupštine Bosne i Hercegovine,
održane 25. juna 2004. godine

Sjednica je počela u 18,00 sati, neposredno nakon završetka 39. sjednice.

Prisustvovalo je 26 poslanika. Odsustvovali su: Nijaz Duraković, Azra Hadžiahmetović, Mehmed Suljkanović, Sead Avdić, Zlatko Lagumdžija, Ivo Lozančić, Mladen Potočnik, Ibrahim Đedović, Muhamed Moranjić, Muhamed Altić, Ljiljana Milićević, Mara Perkanović, Nikola Kragulj, Petar Kunić, Mirko Blagojević i Elmir Jahić.

Sjednici nije prisustvovao niko iz Vijeća ministara, kao ni iz međunarodnih organizacija.

U uvodnim napomenama predsjedavajući Doma Martin Raguž rekao je da su u prijedlog dnevnog reda uvršteni samo zahtjevi Vijeća ministara za hitni postupak po članu 104. Poslovnika i davanje saglasnosti za ratifikaciju određenih sporazuma.

Milorad Živković prigovorio je što sjednici nije prisutan predstavnik predlagača zakonskih prijedloga i zapitao za razloge da se i Prijedlog zakona o Društvu crvenog križa razmatra po hitnom postupku.

Predsjedavajući Raguž podsjetio je poslanike da je jutros na Proširenom kolegiju odlučeno da se ova sjednica održi poslije završetka 39. sjednice kako bi se odlučilo o zahtjevima za skraćeni postupak da ti zahtjevi ne bi izgubili smisao ako bi se razmatrali za 15 dana.

U daljnjoj raspravi učestvovali su: Jozo Križanović, Mirsad Ćeman, Tihomir Gligorić, Vinko Zorić i Šefik Džaferović.

Svi učesnici u raspravi prigovorili su što sjednici ne prisustvuje predstavnik predlagača zakona, ali je preovladalo mišljenje da je važno da se sjednica održi i odluči o zahtjevima Vijeća ministara za proceduru po članu 104. Poslovnika.

Predsjedavajući je konstatirao da 40. sjednica ima sljedeći

D N E V N I R E D

1. Zahtjev Vijeća ministara za razmatranje Prijedloga zakona o izmjenama i dopunama Zakona o putnim ispravama Bosne i Hercegovine, po hitnom postupku u skladu s članom 104. Poslovnika,
2. Zahtjev Vijeća ministara za razmatranje Prijedloga zakona o Društvu crvenog krsta/križa Bosne i Hercegovine, po hitnom postupku u skladu s članom 104. Poslovnika,
3. Zahtjev Vijeća ministara za razmatranje Prijedloga zakona o mineralnim gnojivima Bosne i Hercegovine, po hitnom postupku u skladu s članom 104. Poslovnika,
4. Zahtjev Vijeća ministara za razmatranje Prijedloga zakona o zaštiti novih sorti biljaka Bosne i Hercegovine, po hitnom postupku, u skladu s članom 104. Poslovnika,
5. Zahtjev Vijeća ministara za razmatranje Prijedloga zakona o fitofarmaceutskim sredstvima Bosne i Hercegovine, po hitnom postupku, u skladu s članom 104. Poslovnika,

6. Zahtjev Vijeća ministara za razmatranje Prijedloga zakona o sjemenu i sadnom materijalu poljoprivrednih biljaka Bosne i Hercegovine, po hitnom postupku, u skladu s članom 104. Poslovnika.
7. Davanje saglasnosti za ratifikaciju:
 - a) Sporazuma koji se odnose na pripremu i obavljanje usluga zračnog saobraćaja i korištenje uređaja od strane EUROCONTROL-a u kontrolnom centru za kontrolu zračnog saobraćaja Centralne Evrope (CEATS),
 - b) Sporazuma između Republike Moldavije i Bosne i Hercegovine o izbjegavanju dvostrukog oporezivanja i sprečavanju utaje poreza u odnosu na poreze na dohodak i kapital,
 - c) Ugovora o slobodnoj trgovini između Bosne i Hercegovine i Republike Bugarske,
 - d) Evropske konvencije o prekograničnoj televiziji (ETS 132) s Protokolom o izmjenama.

Ad – 1 – 6.

Predstavnički dom, glasajući o svakom pojedinačno, usvojio je zahtjeve Vijeća ministara da se po članu 104. Poslovnika razmatraju:

- Prijedlog zakona o izmjenama i dopunama Zakona o putnim ispravama Bosne i Hercegovine (za glasala 24 poslanika, jedan uzdržan),
- Prijedlog zakona o mineralnim gnojivima Bosne i Hercegovine (za 23, protiv 1, uzdržan 1),
- Prijedlog zakona o zaštiti novih sorti biljaka Bosne i Hercegovine (za 23, uzdržan 1),
- Prijedlog zakona o fitofarmaceutskim sredstvima Bosne i Hercegovine (za 22, protiv 2, uzdržan 1) i
- Prijedlog zakona o sjemenu i sadnom materijalu poljoprivrednih biljaka Bosne i Hercegovine (za 24, uzdržan 1).

Zahtjev Vijeća ministara za razmatranje Prijedloga zakona o Društvu crvenog krsta/križa Bosne i Hercegovine po članu 104. Poslovnika nije dobio entitetsku većinu, pa će se provesti postupak usaglašavanja u Komisiji Kolegija. Za zahtjev glasalo je 18, protiv 5, uzdržala se 2 poslanika – iz FBiH za je glasalo 15, iz RS-a 3.

Ad – 7: Davanje saglasnosti za ratifikaciju:

- a) Sporazuma koji se odnose na pripremu i obavljanje usluga zračnog saobraćaja i korištenje uređaja od strane EUROCONTROL-a u kontrolnom centru za kontrolu zračnog saobraćaja Centralne Evrope (CEATS),
- b) Sporazuma između Republike Moldavije i Bosne i Hercegovine o izbjegavanju dvostrukog oporezivanja i sprečavanju utaje poreza u odnosu na poreze na dohodak i kapital,
- c) Ugovora o slobodnoj trgovini između Bosne i Hercegovine i Republike Bugarske,
- d) Evropske konvencije o prekograničnoj televiziji (ETS 132) s Protokolom o izmjenama.

Predstavnički dom dao je saglasnost za ratifikaciju akata iz tačke 7. dnevnog reda.

Sjednica je završena u 18,30 sati.

Sastavni dio Zapisnika je transkript 40.sjednice.

SEKRETAR
PREDSTAVNIČKOG DOMA
Branka Todorović

PREDSJEDAVAJUĆI
PREDSTAVNIČKOG DOMA
Martin Raguž